

程道書屋叢書

中冊

太平天國典制通考

尚文樓



簡又文教授撰

中冊

育亨而國典新通考

董作賓題



太平天國典制通考 中冊

目次

第十一篇	食貨考 (附圖八)	頁六五五——七六二
第十二篇	外事考【上】 (附圖一)	頁七六三——八九五
第十三篇	外事考【中】	頁八九七——一〇六四
第十四篇	外事考【下】 (附圖五)	頁一〇六五——一一八六
第十五篇	女位考 (附圖六)	頁一一八七——一二七六

第十一篇 食貨考

目	壹 井言	肆 商業
錄	式 強徵、進貢、採購	伍 國際貿易
	叁 科派、稅捐	陸 糧食

壹 井言

經濟爲國家社會之命脈，亦經國之要政，尤爲行軍之基本。昔「魯論」有足食之訓，「大學」多理財之義；此外，歷代先賢先哲之遺教亦多注重及發明此理；而「洪範八政」，首曰食，次曰貨。是故經濟制度爲施政之要端，此吾國文化史中之傳統思想，亦是自然之大道，固不待今代經濟學者之提倡而後明，尤不能以現代之唯物主義，或經濟定命論視之及衡之也。太平天國之施政亦以經濟爲至要。如壬戌十二年三月，天朝治下浙江嘉興郡桐鄉縣開考秀士，試題爲「天朝三大政賦——以耕田，鑄錢，收糧，三大政爲韻」（見沈梓：「養拙軒日記」題「鄉治考」之樂），皆屬經濟範圍，可爲明證矣。

茲篇內容，分題考述太平天國經濟制度與活動之各方面。除錢幣田政兩者（半屬政治範圍），各另有專篇外，本篇包涵：強徵，進貢，採購；科派，稅捐；商業；國際貿易；及糧食等比較單純的經濟活動。至關於工業方面，則以各地民營之小工業大概仍舊貫，而天京之各營，各衙，如木營，機匠，織造，錦繡，鐫書，鑄錢，等等，以及軍中之各典官皆為政治或軍事之附屬機構，故于茲不事敘述。至是篇之所以名為「食貨」者，蓋仿前代史家「食貨志」之例，所以總述一代經濟制度之因革者。「食謂農殖嘉穀可食之物，貨謂布帛可衣及金刀龜貝，所以分財布利通有無者也。」（見「辭海」）（按：貨不必專指泉幣，可指普通貨物通商而言。）衡以此義，則茲篇所載，名實適符矣。

式 強徵、進貢、採購

糧糗財用，實經國行軍之本，勢不能不取之于民，然取民之道如何，實政治得失民心向背之所繫，關繫至重至要。取之苟得其道，則民心帖然順服，樂於輸將，且得取用無竭；但苟不得其道，如掠奪苛勒，橫徵暴斂，則民心自然不服，反感隨生，且取之無時無度，猶之竭澤而漁，終有無可再取之日，亦猶盡食雞卵不已且宰母雞，甚至毀其巢焉，是自行斷絕生產供給之源，即是自尋死路，後效迅見。此因果之理至顯至準，殆不待大政治家，大財政家，或經濟專家學者而後知者也。吾人試一研究天朝徵糧物收捐稅種種取民之史蹟，更可證明此理，而太平天國之興衰成敗之一大關鍵亦在是

矣。

溯自拜上帝會運動革命之始，即厲行軍事公產制度。其參加義舉者，一律須捨棄田地產業，或先行變賣，而以全部資財獻出，盡歸聖庫，以充公用。首義八傑，除洪、馮、楊、蕭、秦、五人無能貢獻財產外，韋昌輝、石達開、胡以晃、三者均傾家從事。據余採訪所得，韋氏爲桂平金田豪族，屬大地主階級，富甲一方，每年收穀租二萬餘擔，田畝之多可想而知。（看「金田之遊」。或云韋氏家產歲入比上數尤多數倍。）「賊情彙纂」（卷二）韋傳亦有同樣記載云：其「家業富厚，素營質庫，並饒田產，富甲一邑」。起義前盡舉所有以充軍用，以故全軍初時財源裕如，米糧充足，凡購鐵製械種種準備，均由韋氏一家出貲應用，其後舉族三房老幼男婦全體從征，貢獻可云大矣。石氏亦貴縣巨族，富有家產，附義甚早，亦傾家舉族從征。據說：「石族獻貲達十餘萬金。（見「賊情彙纂」本傳。看「金田之遊」。按：以現在物價比例，當以千萬計。）起義前，石達開之所以能在貴縣自成一軍，親領千餘人至金田者，蓋有由矣。其貢獻之大僅亞于韋氏耳。至胡氏之貢獻亦甚鉅。原來平南縣花洲胡族共有兄弟四人，名以暘，以晃，以暉，以昭，爲全邑首富，每年收穀十餘萬擔。其所有田地，連跨平南，桂平兩縣。以晃常親到桂平收租，因得結識洪、馮等，後挈弟以暉加入義軍，所獻資財無可計算，至少亦有家產之半數，其有助益于革命運動當然不少矣。（按：關於胡氏產業事，係余于抗戰期間避難蒙山時採訪所得新史料，爲「金田之遊」篇所未載者。）

除以上三人外，其次一級幹部之資產饒富而毀家附義者，有開設當舖起家之殷戶吳可憶、周勝坤二人（分任正副「典聖庫」職）及富商余廷璋（初任左二軍「典聖糧」）等。（三人出身均見「廣西一覽」。）此外，富有資產而傾家報効者當尚有多人。而其他赴金田「團營」（即集中）之教徒以萬計，均各盡獻所有，則集腋成裘，「聖庫」之總收入，自然大有可觀了。職是之故，太平軍舉義後轉戰數邑，均能到處備價購米鹽軍需，公平交易，無擾于民，而各處人民亦極力擁護，樂爲贊助，紛紛冒死衝過官軍包圍綫而私運糧食接濟所需，而且直至今日，凡當年大軍所到之地均留下「秋毫無犯」，「仁義之師」之不朽的口碑。（看「金田之遊」余采訪所得。）其最好最大的例證則如在永安被圍時，百姓私運糧食接濟，均得好價而去，又由城內派人四往採辦軍需是也。（看「首義史」頁三五八）

由桂林經湖南而至武漢一段路程中，太平軍沿途軍紀甚好，無擾民劫糧之事發生，以故湘鄂人民對革命軍甚表好感。此可于清軍官方文件見之，足爲明徵。如曾國藩云：「近日官兵在鄉雖無騷擾，而去歲潮勇有姦淫擄掠之事，民間倡爲謠言，反謂兵勇不如賊匪之安靜。」（按：此明指太平軍之紀律優于兵勇。見與張亮基制軍書，載曾氏「書札」卷二。）又云：「近因惡潮勇之故，遂有一種莠言稱頌粵寇，反謂其不姦淫，反謂其不焚掠，反謂其不屠戮。」（見曾氏與各州縣紳耆書，載同上書。）又據「賊情彙纂」（卷十「賊糧」之「虜劫」一節）亦明載：「逮逆黨由長沙陷武漢，虜劫之局爲之一變，始則專虜城市，不但不虜鄉民，且所過之處，以攫得衣物散給貧者，布散流言，謂將來概免租賦三年，鄉民德之，以

致富者坐視城中困守，不肯捐助一錢，貧者方幸賊來，藉可肥己。……蚩蚩之民，竟爲賊賣，甚至賊至爭迎之，官軍至皆罷市，此等悖惑情形，比比皆然，而以湖北爲尤甚。」旋于離武漢東下路經蘄州之時，亦絕無滋擾擄掠事。有勞光泰自叙在此時此地目擊實況之詩曰：「今年過粵寇。不見有荒蕪。殺鮮燬亦鮮。居民多歡娛。」序曰：「癸丑（三年）人日，粵匪過此，僅殺一人，燬房屋亦僅數十間，居民殊不驚擾」（見「鄂城褒忠詩」）。可見太平軍由桂北上沿途軍紀之佳，無取於民間一草一木也。（按：「太平天國野史」載：「太平軍屯長沙陷武昌，軍衆餉缺，間亦劫掠，美其名曰沒收。然必擇達官富紳行之，民間則絲毫無擾也。」貧苦小民無可掠之物，想當然矣。）

初克武昌，東王傳令曰：「官兵不留，百姓勿傷」。所注重者乃在徵收糧食鹽米硝磺軍需以作東征之準備，惟隊伍間有私自搜掠民宅者自是難免，而本地痞棍歹徒之投機歸降借勢搜劫者尤爲兇酷。太平軍令人民自由「進貢」，此爲最初期徵收之制。「凡金銀，錢米，雞鴨茶葉皆可充貢。」於此期間，曾分兵至黃州，蔡店，亦爲徵糧之計也。其徵法未詳，想亦不外沒收與進貢而已。乘舟東下之時，所載得諸各衙署公款百萬兩，餘則器械、米鹽、布帛、其貴重珍品金石古物皆無取焉。（上見「武昌紀事」，及「武昌兵燹紀畧」）

攻入南京後，繼克鎮江揚州，隊伍逐家「搜妖」，有乘機掠奪者，人民亦紛紛進貢，一如在武漢時。此等舉動，大概於凡初破城時見之，迨秩序一經恢復，卽事安民，軍事行動停止，而搜劫與進貢

亦停止矣。蓋全城男女幾盡被徵入隊伍或女館，或撥入各特管營中，而民宅店舖，十室九空，幾盡被官將與兵士佔駐，實已無可搜劫之宅，亦並無納貢之民矣。（按：此指城內而言。上見張汝南「省難紀畧」，謝稼鶴「癸甲紀事」及「金陵雜記」）

初期太平軍之到處掠物收貢，一切所得盡以歸之公用，由「聖庫」及各分典官接收。不許全軍上下兵將私有財物，是爲起義以來至嚴格之軍律。自永安以來，天王不啻三令五申。初時全軍恪遵，莫敢稍違。吾嘗稱此爲「軍事公產制度」，亦殊合。自下江南後，所得良多。若糧米、食品、藥材、火藥、器械、布帛等以及其他種切軍需品，仍盡歸公庫，轉而分配各軍。至金銀錢幣則留之聖庫以充國用。其他珍寶、骨董、字畫等等貴重品之不適軍用者則歸之天王宮及東王府，而其他王府或亦得分潤焉。私有財產之制遂日漸恢復，而開其端者，實最上層之各王爺也。以故宮中府中，萬寶堆積。（東王府所藏珍寶之多，見外人報告，看「逸經」卅三期「內訌詳記」。）其後佔地日廣，各將官隨地搜括之寶物金銀，當仍有如前之入貢於天京者，但不過擇尤上獻，其留以自肥者，自是難免。天朝對之，鞭長莫及，無可核計，亦無可監督也。且各王爺既自毀大法，亟亟聚斂，風氣一開，示人惡範，又曷能怪責下級之私據掠物乎？馴至後期，貪風愈熾，私心日盛，上自王爺天將（新封的），下至軍官士兵，莫不各私其私，各求所欲，而公產之制，名存實亡，等於告朔餼羊矣。試觀忠王之富有，隨時可以報効鉅貲，可以私納重賄，可以救濟飢民，至逃難時猶囊有大批珍寶，足徵余言之不謬矣。

由天京派出東征西討的大軍，到處佔領地方。每攻破一座城池，其處置情形大概仍如武昌及南京之前例。沿途及入城後軍隊之滋擾劫掠與否，則視主帥或部將之性格爲斷，不復如初時紀律之嚴格，但亦不能作籠統的定論也。四年秋間，如羅大綱軍西上贛皖，沿途紀律甚好，「方欲因糧於饒（州）以應潯陽（九江）之乏，戡其下，禁淫掠，毋得擅入鄉間，而徧張僞示，令鄉民以納賂免，於是資糧鹽酪饋詒日數於郡中」（見「粵氛紀事」卷十頁六）。此則殊能保持起義時「秋毫無犯」之良好軍風紀者。至招民「進貢」之法，則始終到處施行，蓋此時於徵收作用外，兼有令人民表示歸順之意也。其始，在湖北各郡邑，凡進貢財物者，皆給以執照，名曰「貢單」。凡搜得錢穀品物而加以沒收者均亦一律給以「貢單」，（實庫存貨盡取之不留，）是則強迫的「進貢」矣。（看「賊情彙纂」卷八「僞貢單」及卷十「貢獻」，所載客有言過其實之處。）

至後期，在江浙兩省，凡新佔郡邑，均由人民「進貢」輸誠，成爲一種安民之措施。（見「太倉州志」。又「小滄桑記」載庚申十年五月認天安陸順德占松江府卽有此舉。又「吳江庚辛紀事」載蘇州各縣鎮均有進貢之舉。另見其他史料書，茲不備錄。）可見「進貢」之舉爲始終不改之制度也。

在天朝晚年，各處地方文武長官勸富戶捐輸助餉，仍如常舉行，惟其中較有仁心及稍諳治道之長官則對各富戶交結好感，力爲保護，使上下貧富俱得相安，各自安居樂業，自由捐輸，而政府之收入亦愈多。讀下錄浙江石門長官兩文告，和平善意，溢於楮上，可爲例證。

(一) 殿前又副掌率鄧(光明後封歸王)勸諭

爲給發護憑以杜後患而安民業事。緣本掌率自安爾邑，於今兩載，無時不以保赤爲懷，亦無時不以肅除惡習爲念。凡我天朝所克各省郡州縣地方，每有殷富之家不能出頭，甘受困厄。大抵皆由人心不平，百般詐害之所致。言念及此，可閔(憫)可恨。但本掌率既爲爾邑撫字，所有利弊隱情莫不□除革，使貧富兩安。茲特爲此護憑，仰該沈慶餘收執，永爲保家之實據。嗣後，如有不法鄉員(鄉官也)恃強借撥，任意苛捐，及土棍刁民，軍中兄弟，或以有妖朝功名強勒索需，或以助妖糧餉詐取銀洋，或以在前時曾受凌辱欲復前仇，或有官兵往來打館滋擾，或有強佃抗□收租納捐不交以致不能安業。總然隱忍抱屈，敢怒而不敢言。種種弊端爲害不淺。日後倘再有此情事，仰該沈慶餘放胆持憑，即赴監軍衙門控告。如監軍不理，則必來城於四門擊本掌率所設大鼓，自當詳情追究，一洗沉冤。如本掌率行軍在外，該城佐將亦必代爲理問。斷不使爾等終身受□不復出頭。諒到，該富戶實力遵行，照常安業。慎勿東奔西走，自取流離。遇有草端，亦不得退縮不前，心懷疑慮。此本掌率實有厚望於爾富民焉。……(十二年九月發)

(二) 殿前又副掌率宇開朝勳臣鋼天福李(有慶)會諭
吏政書舒

富戶沈慶餘弟知悉。緣弟前因家計充裕，深懷憂慮，潛影藏形，畏首畏尾。以致尙(上)下相間，如隔霄壤。鄉員知情，得從中而舞弊。頑民欺懦，遂鑿詐於多方。此所謂憂招禍而禍至益速，慮受侮而侮受益深。然弟等

原係籍紳門第，素與宦□往來，在所不免。今我天朝伐罪弔民，至公至正。來斯石邑兩載有餘。雖殊時異，而禮法規模，總如一轍，不妨亦時相拜會，以盡賓主之歡，使尙下得以浹洽。且本爵等耳目未週，間有弊端，從何得悉。荃(全)賴弟等稟知，則弟等庶不至再爲鄉員所幪蔽，刁頑所欺凌。至於節征畝捐田漕等項，繳數爲弟等居多。卽捐款一節，數亦甚鉅。鄉員所解，均係六□七五毛洋。想弟等或由於餘蓄，或出於措籌，何致一例洋缺？想初次輸捐時原議(？)銀兩，今乃各繳毛洋。不知弟等有餘(意)取巧，抑係鄉員行奸掉換，爲利是圖，殊不可解。爲此特行諭知，仰該弟立即遵照，毋得心懷疑慮，不敢出頭。要之，弟等愈畏而舞弊者愈爲得計。自諭之後，切勿再繳毛洋。但銀錢各隨其便。弟等或有所均(？)缺，何妨以米待(代)之？糧亦爲軍中要務。本爵等總不肯爲弟等作難。至前次或曾繳有錢，儘可親自來城，放胆出控。凡吃虧事莫如弟等爲甚。此後，卽肥馬輕裘，不妨乘而衣之，實無大碍。慎勿再如前者裹足視若畏途，甘受鄉員之欺侮，□□至禱。如果有胆敢投告□此惡習，本爵等定當從重獎賞，決不食言。況此捐款，均係情願樂捐，並非勒逼而爲，原不待尙憲催促而後繳齊，自宜踴躍爭心(先)以盡誠心。何得延至今日尙未繳清。弟等務仰體掌率大人厚澤深恩，早日青納，毋負厚望。切切特諭。(十二年十二月)(以上載「太平天國革命文物圖錄續編」)

至於紀律不佳之隊伍，則輒有「打先鋒」之野蠻舉動，此卽四出掠野焚殺或強姦之別稱也。此舉滋擾地方殘害人民至甚，亦招怨至甚。稍具仁心，稍重紀律之將官，每嚴禁之，各史冊所載此等愛民的將官亦大不乏人焉。然後期各處別有所謂「野長毛」者，到處「打先鋒」。此或是打散潰逃之游兵，或

是敗退過境之殘部，結夥劫掠，或是土匪假冒太平軍旗幟服裝到處殘民以逞者，誠禁不勝禁矣。此種搜劫焚殺擄人強姦等等暴行，爲太平軍所留下之最大污點，誠不能爲之諱。推其原因，大概由於大量兵員，擴充過速，流品複雜，訓練不週，管束亦難如前之嚴密，故土寇、會匪、痞棍、無賴、以及投降官兵之陸續加入或以大隊歸附者，毀壞軍紀，肆無忌憚，違反革命宗旨，加速天朝滅亡，比之最初期之「秋毫無犯」的「仁義之師」不啻天淵之別矣。害羣之馬，殊爲可恨！但自始至終，亦有不少紀律嚴明不事滋擾而到處愛民保民之隊伍焉。全軍逾百萬人，單位無數，將官亦無數，良莠不齊，好歹各異，究難作概括籠統觀也。（例如：皖北之潛山縣，雖有苛勒之舉，但始終未罹「打先鋒」之禍，見「皖樵紀實」。又「花溪日記」及沈氏：「養拙軒日記」亦並載有受劫或不受劫之地方。看另篇「鄉治考」。清軍姦殺焚劫之殘酷尤甚於太平軍，故各地方之受蹂躪於官兵者比之太平軍爲尤烈，不可不知。）

於強徵（搜括）進貢二法之外，天朝對於軍需國用之供給及補充，尙有備價採購之法。此係與人民自由交易，給予高價，最爲公道不過。史冊紀錄，斑斑可考。據「金陵雜記」：天京「食用浩繁，擄來（食品）難供饕餮。又有股匪羅大綱在瓜（洲）鎮（江）一帶爲之購買，常時成船滿載而來。賊館在土街口前，由正街羅賊爲之購買，亦不佳。食物，紬、縐、顏料、紙張、亦係不時購來。故省中（天京內）賊首常時運銀至鎮，一次總須運去十餘萬金也。」又有「典買辦」、「典油鹽」官，「在省則帶銀分出各城採買，與百姓通商。」

「夢氛紀事詩」又載有鎮江守將羅大綱以欽差大臣名義出示云：

自本大臣臨爾鎮江，一切買物給價公平。今並諭爾該鄉民等，凡虎豹熊羆鵝兔鷹鷂鴿雀以及五色綢紗綢緞布疋，奇妙寶貝物件雜貨等項，有能捕網者，送到西門口卽買，給價公平，決不短少，各宜遵辦。

此誠至有價值之太平文獻，以其充分表示愛護人民，嚴守紀律，待遇公平，態度和霽，殊能維持初起義時之優良風紀（看「首義史」在永安時向人民購糧事）。與上文所敘之強徵暴行互相比照，足見羅大綱之行爲措施，纔是太平軍之眞正的精神也。

至其後歷年在所佔領之郡邑，城外大概設有「買賣街」，以爲軍民公平交易之市場，人民得其利，而軍方則得其便焉。（看蘇臺麋鹿記所紀甚詳。「吳江庚辛紀事」亦屢載太平軍在三里鎮等處大量買貨。）又忠王於十一年離京遠征之前，敕合城文武官員買米糧，以備清軍再度困城，各遵其言，亦可見備價向百姓收買米穀係當時之常舉。「小滄桑記」則載有太平軍官携現金到松江府收買軍用品之事（適此人爲清方派出之間諜）。至於向外人購買鎗砲子彈等則是盛行于全軍，而由各部自行籌款備辦者矣。（詳下文）

叁 科派、稅捐

上言強徵與進貢兩法，只在新佔之城，新得之地，偶一爲之，其不能作爲國家收入之長久的源頭明甚。是故太平軍由江南復西進佔領皖贛鄂等地，卽設立鄉官，旋而實行「科派」之法以取給于民。

科派，亦稱科配，其義即「按戶口，田畝，或區域，責令人民攤派之臨時稅也」（見「辭海」）。大軍所至，需糧若干、財若干、物若干，不從民間直接搜奪，乃責成鄉官設法徵之於民，按戶分派，或由股戶富農多負責任。據「賊情彙纂」（卷十）：

賊之科派不獨錢米，如行軍所需各物，皆悉取給于鄉官，偶需鑿鋤千柄，或葦席千張，或划船百隻，僞文一下，咄嗟立辦。

又據「養拙軒日記」，嘉興股戶有「股派」之辦法，以應付科派各款，尋常百姓，窮苦農民（佃戶）不大受苦。是為各地處置科派令之最善者。但此科派之法只係于特別徵收軍需時用之，滋擾人民，不大不深，比之強徵苛勒較有系統，較有秩序，故尚勝一籌。然而此究屬臨時應付急需之辦法，斷非永恆的常法也。國家理財正軌，仍非釐定正式的，永恆的，劃一的賦稅制度不可。天朝于佔領區域內亦一一施行各種賦稅制度，足為其已設立有系統的行政之徵矣。

『註釋』羅爾綱先生：「太平天國天朝田畝制度實施問題」一篇（載「太平天國史叢攷」）有云：「據『賊情彙纂』的記載，太平朝取民政策曾經有過四次改變……這四個改變，就是最先是搜刮。其次是改搜刮為責民間貢獻，這些貢獻的東西，是民間在貢獻後自己按田畝之多寡來分担的。不久，又改貢獻的辦法為公田的天朝田畝制度。後來因為天朝田畝制度不能實行，最終乃採取按畝徵糧的承認地主存在科派政策。」竊以為羅先生對於

這幾種辦法的詮釋，意義不大清楚，未免引起誤導作用，合爲辨正。

(一) 搜刮米糧財物，不特確曾行之，而且處處時時均有發生，亦稱爲「打先鋒」(上文已有詳叙)，並不是責民進貢之後即行停止，故不能誤會爲以進貢之法完全代替搜括也。但是搜括擾民害民，也不是處處如此；其守紀律，愛人民之長官，輒到處嚴禁隊伍虜掠姦淫，且有緝犯兵以死刑者。亦有同時安民，招人進貢，而不旋踵又事搜括者。是未可作一概論也。

(二) 進貢之法，大概招個人每戶自由納貢者爲多，故「賊情彙纂」(卷八)所載之「貢單」係以鄉民某人爲本位。其有集體進貢而事後按戶或按畝分攤者，則「賊情彙纂」(卷十)謂「此科派之始也。」是兩者不可混爲一談，亦不能謂其改搜括爲貢獻，蓋後者並不是前者之替代也。

(三) 頒行「天朝田畝制度」是另一回事，——其中包涵均田制度與鄉政制度，而並不是徵收糧食財物取給於民之一種政策或辦法。是故絕不能謂其改貢獻的辦法爲此制度。直至後期，在新佔城邑仍有人民進貢之舉，可見「貢獻」辦法，始終無改。

(四) 「天朝田畝制度」與科派政策也是截然兩事，迥不相侔。「田畝政策」中並無規定人民納稅之則。是故吾人絕不能謂其以科派政策爲「田畝制度」之替代。「田畝制度」中之均田新制不會實行確是事實(看「田政考」)，但此與科派之法了無關繫。

(五) 上文會說明「科派」是按戶口，按田畝，或按區域，攤派之臨時徵用米糧或財物，而分配責任之義。

正常的賦稅制度當然不屬此範疇。但羅先生即以承認地主存在而「按畝徵糧」爲科派政策，是又將臨時稅與正常稅混而爲一，易惹誤會，不如劃分爲二事：於科派的臨時稅（或稱費，或稱捐）之外，另有正常的稅制，如關稅，田賦是。兩者是同時並行的，亦不是以其一代替其他的。

今進而研究天朝之稅捐制度。

天朝歷史中，首先在佔領地方內施行正常的有系統的稅制，與規定的劃一的稅則（稅率，稅額）者，爲主持皖贛鄂軍民大政之翼王石達開。其取給于民皆有法有度，復循政治軌道（由鄉官徵收解上），故不擾民，且其稅額特輕，有比滿清治下所收減半者，是故百姓尤爲愛戴，樂於効命焉。（此據美國教士丁韋良博士及一外人通訊，全文譯載「鄉治考」。可惜原文所言賦稅，未指明係何種，大概田賦當是大宗。）

至在其他各時期各地域內天朝所徵收之各種稅捐，見諸史冊者有多種。茲一一分述后方。

（一）田稅 此爲歷代向民間徵收之正常稅。「天朝田畝制度」原不設立田稅制度，只由鄉官兩司馬就農民耕種所分得之公田，于每造收成後先行分配所管之二十五家以各人所需之糧，其後乃將其餘剩糧米納歸公庫以充公用。但此制度雖頒發而未實行。自三年秋冬間即由東王等奏准天王就原有地主，按畝徵糧，一照舊制。其徵收方法及人員大致仍沿用舊者，惟稅率則無全國劃一之規定，係由各省各郡甚至各邑鎮將或民政官就地釐定，多少不一，然大致仍較滿清田稅爲輕。所可異者，歷代均以